

Ngoenzseng Mbouj Doengz Bingzciengz

□ Veiz Haijlanz / 韦海兰



Seizcin bineix caeuq bingzciengz gig mbouj doxdoengz, ngoenzseng gyabuz gou hix lumj vunz naengh ci gvaq bya nei, hawj vunz yaep lau yaep angq.

Liggaeuq ndwenngaih ngeihcib ngeih dwg ngoenzseng gyabuz, bineix doiq ligmoq 3 nyied 15 hauh, de ndaej 80 hopbi. Bi' gvaq youq ngoenzciet bet nyied cibngux, daengx ranz vunz couh doxyaeng ndei, bineix yaek nauhyied banh ndei ngoenzseng gyabuz, gou hix swnh bineix ngoenz yenzdan aen-diemq dangauh guh hozdung, hawj ngaenz dingh guh song aen dangauh. Hoeng daengz ngoenzseng gyabuz gaxgonq, daengx ranz vunz fanjdauq mbouj rox ngoenzseng de baenzlawz guh.

Gyabuz gaxgonq youq lajmbanj gwn haemz gwn hoj, ciengx hung 4 boux lwg, lij daiq hung baenz gyoengq lwglan. Seizneix yienznaeuz bi' ndwen geq le, hoeng lij maij guh neix guh haenx, swiq byaek cawj haeux saeg buhvaq, lij dawz gan ranz dajleix ndaej cingjcaez seuqcingh. Ciuq fungsug ranghdieg raeuz, gyoengq lwglan daj de ndaej 60 hopbi hwnj, cungj aeu bang de gvaq ngoenzseng.

Bouxgvan gou gag roxnyinh dwg ngoenzseng 80 hopbi daxmeh de, wngdang ciuq gaxgonq yaeng ndei haenx banh ndaej nauhyied di. Hoeng, gou nyinhnaeuz bineix mbouj doxdoengz, baihgwnz lai baez iugouz mbouj ndaej comz gwn comz youq, raeuz wngdang dingqgangj, mbouj ndaej vunzlai doxcomz daeuj gvaq ngoenzseng.

“Seizneix daengx guek binghraq sinhgvanh feiyenz gaenq yied ngoenz yied noix, Guengjsae raeuz hix mbouj caiq miz gij vunz bonjdieg fatbingh, ranghdieg Vujmingz raeuz engqgya mbouj miz saek boux deng cungj bingh neix gvaq, lau maz ne!” Bouxgvan sing gaenj gangj dwk, caengz caj gou haibak, de youh naeuz: “Gou cei q lauheiq bineix dwg daxmeh gvaq ngoenzseng mbat gatsat ha……”

W, gou rox bouxgvan yousim maz lo, gienh saeh neix caen hoj guh ha! Gyabuz song ngoenz gaxgonq ngamq daj yihiyen okma, hoeng mbouj dwg naeuz de gaenq yw ndaej ndei lo, couhdwg de roxnyinh ndangdaj haemq ndei, mbouj nyienh caiq youq ndaw yihiyen lo, euq aeu maranz youq, hoeng lij miz yiengh genjcaz cei q youqgaenj ndeu gvaq geij ngoenz cij rox gezgoj ne. Aen gezgoj genjcaz yaek hawj canghyw rox gij bingh gyabuz dwg mbaeu roxnaeuz naek, doeklaeng baenzlawz yw, hoeng gangj le geijlai baez, gyabuz mbouj haeuj rwz, gyagoeng hix doengzeiq gyabuz dauqranz. Euq mbouj gvaq bouxgeq, 3 nyied 12 hauh cijndaej daiq de maranz lo.

Daj dingq canghyw naeuz gyabuz aiq deng bingh naek seiz, bouxgvan couh gag ienq swheiq, ienq mbouj caeuxdi daiq gyabuz bae yihiyen cazyawj ndangdaj. Bouxgvan 3 nyied

codauez ma ranzmbanj cunz bohme, roxnyinh gyabuz bei gaxgonq byom-roz, saeknaj mbouj ndei geijlai. Gyabuz naeuz dwgliengz geij ngoenz, gwn haeuxngaiz mbouj miz feih geijlai, gaenq bae yihiyen aeu yw ma gwn lo. Bouxgvan dingq le nyinhnaeuz mbouj miz maz youqgaenj, couh mbouj haeujsim geijlai.

Hoeng, mbouj daengz aen singgeiz ndeu caiq ma ranzmbanj, bouxboux yawjraen gyabuz cungj roxnyinh de saeknaj heuseuseu caemhcaiq hawqvavt, bei ngoenz-naengz rwix lai lo, bouxgvan vaiqdi soengq de daengz yihiyen ndaw singz cazyawj. Baez genjcaz, canghyw couh

naeuz cingzgvang gyabuz aiq mbouj daiq ndei, ceiqndei haeuj yihiyen youq roengzdaeuj, guh genjcaz cienzmienh di caiq hawj yw. Baez dingq canghyw baenzneix gangj, bouxgvan sim diuq fubfub, doq hawj gyabuz haeuj yihiyen youq roengzdaeuj. Hoeng, gyabuz haeuj yihiyen youq geij ngoenz, guh geij cungj genjcaz le, canghyw lij caengz ndaej duenhdingh dwg maz bingh, doeklaeng lij aeu guh cungj genjcaz ndeu dem, naeuz yienghhaenx cij caz ndaej cingcu. Seizneix gij bingh gyabuz dwg mbaeu dwg naek lij caengz rox, daengx ranz vunz vih neix geijlai youheiq ha!

(caengz sat)

Ra Youx

□ Vangz Gozgvanh / 黄国观

Youq gwnz ranz mbouj onj,
Sim boekfonj linlin,
Gwn haeux dangq gwn rin,
Diem din ok dou ranz.

Gvaq cib rungh gouj bya,
Mbouj nyangz ndaej vavengj,
Gvaq cib rungh gouj geng,
Dwgrengz lai youxnoix.

Diem din ok dou ranz,
Raen bya sang dawz mok,
Baez yamqdin daengz rog,
Laep mok mbouj raen vunz.

Gvaq cib rungh gouj bya,
Mbouj nyangz va gimsienq,
Siengj daengz youx couh niemh,
Yietliengz caj bouxyoux.

Baez diem din roengz lae,
Sim couh maez lauxbiuj,
Yamq byaij geij yamq yiuq(yawj),
Muengh lauxbiuj daengz henz.

Okrog daeuj cet bya,
Go lawz va sigloux,
Okrog daeuj ra youx,
Bouxlawz dwg dah gyaep?

Sing heuh neix, gig doxndiep, caenmaed, haeujsim, gou cienq gyauej dauq laeng bae, Ah Gunh, Ah Veij, Ah Giuh caeuq Ah Cang lumj 4 duz ma iq riengz youq baihlaeng duz ma-ngauz hung ndeu nei, coh mohrin baihneix buet daeuj.

Daihroek Gaeb Duzngwz

“Aulungzgeiz.”

Gou daih hemq coenz he, conghhoz hohanghang miz di in, Aulungzgeiz ndang cangq lumj duz ma' ngauz nei—— Mbouj, lumj goengq dap iq, lingx 4 laeq lwgnyez buet daengz henz ndang gou, gou lumj daj ndaw loqdwglau ndiu gvaqdaeuj, fwngz ndeu lumj lumh ndaej benj henz congz ninz sim'onj roengzdaeuj lo, ndaw gvaengzda dumzsoebsoeb, yaek daej lo.

“Ah Byauh, duz ngwz hung ne?”

“Ah Byauh, mwngz yawjraen duz ngwz hung bae gyawz bae lo?”

“Ah Byauh……”

·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“Ah Byauh, mwngz baenzlawz mbouj buet ne?”

Gyoengqde yawj mbouj raen duz ngwz hung, couh gwq daeuj cam gou, lumjnaeuz duz ngwz hung haenx dwg maz dijbauj, gaenq deng gou gag yo hwnjdaeuj nei, gou hamz gij raemxda youq ndaw gvaengzda, gig daekeiq fwngfwng. Gou cengj hwet, naengh ndaej sohrwdrwd youq gwnz saeceij-rin, fukdauq le gij yiengh haxbaenh gwih max cijveih “sam bouxak hoenx Lij Bu”, mbwnj coh gyoengqde, yawj-siuj naeuz:

“Hw! Lumj sou nei mbeiiq, buet maz? Gou couh aeu youq gizneix yawj duz ngwz hung bae gyawz!”

Ah Gunh caeuq Ah Veij mbouj saenq gou, Ah Giuh baez sup mub, “hu” sing ndeu, lumjbaenz naeuz: “Mbo!” Ah Cang song da daengx dwk, aj bak hung raeuh, lumj ndaw bak miz aen lwgmibi hung nei.

“W, gizsaed duz ngwz hung mbouj seizbient haeb vunz, cijaeu mwngz youq dwk mbouj gik de mbouj ning de—— De buet gyawz bae lo? Gou ra de haujlai nanz lo.” Aulungzgeiz cam.

“Ndonj haeuj ndaw mohrin bae lo.” Gou daekeiq dwk vix giz geh baihlaj daizcae q baihnaj moh, doengzseiz menhmenh ning gij ga-hengh lij loq saenz, nyaenx nanq daj

gwnz saeceijrin bin roengzdaeuj.

“Ai! Bi' gvaq gou couh fatyienh henzgyawj miz duz ngwz hung he lo.” Aulungzgeiz doq nu song fajfwngz youh hung youh co, fat ok sing goksasa, doq yamq hung byaij coh moh, ndaw bak nam naeuz: “Yenzlaiz de ndoj youq gizneix, caen dwg daenj vaih haizcauj ra mbouj raen, doeklaeng cimh ndaej mbouj sai rengz!”

“Gou dwg boux daih' it fatyienh de.” Ah Veij naeuz, “Danghnaeuz mbouj dwg gou buet daengz baihde bae ra ngafaex, baenzlawz ndaej fatyienh de ne?”

Gou rag song ga mwnh, gaen youq baihlaeng gyoengqde, byaij coh daizcae q baihnaj moh, miz Aulungzgeiz, dou cungj mbouj lau lo, haxbaenh deng hwk ndaej hoenz saenz hix gaenq vut gvaq laeng gyauej bae, geij congh bak iq cijcij cetcet euq hwnjdaeuj lo.

(caengz sat)